



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj 95/12), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2014. GODINU HRVATSKE STRANKE PRAVA BOSNE I HERCEGOVINE

Broj: 03-07-6-266/15  
Sarajevo, 28. juni 2016. godine

## SADRŽAJ

MIŠLJENJE.....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI.....	5
5.2. PREPORUKE .....	8

## MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Hrvatske stranke prava Bosne i Hercegovine za 2014. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2014. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Herecgovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2014. godinu, utvrđeno je da je Hrvatska stranka prava Bosne i Hercegovine prekršila odredbe člana 11., člana 12. stav (1), (2), (3) i (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Herecgovine.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Herecgovine.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Hrvatske stranke prava Bosne i Hercegovine za 2014. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2014. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Hrvatska stranka prava Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Učešće u izvorima finansiranja (%)
1.	Članarina	0,00	0,00%
2.	Prilozi fizičkih lica ( 3-a )	20.750,00	10,78%
3.	Prilozi pravnih lica ( 3-b )	0,00	0,00%
4.	Prihodi od imovine ( 3-c )	0,00	0,00%
5.	Prihodi od pr.lica ( 3-d )	0,00	0,00%
6.	Prihodi od poklona ( 3-e )	0,00	0,00%
7.	Prihodi iz budžeta ( 3-f )	119.152,67	61,88%
8.	Prihodi od propag. ( 3-g )	0,00	0,00%
9.	Ostali prihodi	52.646,72	27,34%
<b>I</b>	<b>Ukupni prihodi (1-9)</b>	<b>192.549,39</b>	<b>100,00%</b>
<b>II</b>	<b>Kreditno zaduženje kod banaka</b>	<b>0,00</b>	<b>0,00%</b>
	<b>Izvori finansiranja (I+II)</b>	<b>192.549,39</b>	<b>100,00%</b>

U godišnjem finansijskom izvještaju stranka je iskazala ukupne rashode u iznosu od 280.850,07 KM.

## 2. PREDSTAVLJANJE POLITIČKE STRANKE

Naziv političke stranke je Hrvatska stranka prava Bosne i Hercegovine. Skraćeni naziv je HSP BiH. Stranka je dana 05.05.2004. godine, Rješenjem broj: R-11/04, upisana u registar političkih organizacija kod Kantonalnog suda Kantona 10 u Livnu, pod nazivom Hrvatska stranka prava Bosne i Hercegovine. Dana 03.06.2004. godine politička stranka je promijenila naziv u Hrvatsku stranku prava Bosne i Hercegovine – Đapić - dr. Jurišić. Ista politička stranka je, Rješenjem broj: R/7-07 od 24.07.2007. godine, upisana u registar kod Općinskog suda u Mostaru, a potom je uslijedilo nekoliko izmjena naziva stranke, njenog sjedišta i osoba ovlaštenih za njeno predstavljanje i zastupanje. Rješenjem Općinskog suda u Mostaru, broj: R/3-11 od 21.02.2012. godine, upisano je udruživanje političkih stranaka Hrvatski demokršćani i Hrvatsko zajedništvo Herceg-Bosne u Hrvatsku stranku prava Bosne i Hercegovine, koju zastupaju predsjednik stranke dr. Zvonko Jurišić i zamjenik predsjednika dr. Josip Perić. Rješenjem Općinskog suda u Mostaru, broj R/1-16 od 25.01.2016. godine, upisana je promjena osoba ovlaštenih za predstavljanje i zastupanje stranke, pa je kao predsjednik Hrvatske stranke prava Bosne i Hercegovine upisan Stanko Primorac, a kao predsjednik Glavnog stana stranke upisan je dr. Zvonko Jurišić.

Sjedište političke stranke je u Mostaru, ulica Kneza M.V. Humskog broj 39.

Lice ovlašteno za podnošenje finansijskih izvještaja za 2014. godinu je Krasnodar Vasić.

Prema podacima iz godišnjeg finansijskog izvještaja za 2014. godinu, organizacionu strukturu Hrvatske stranke prava Bosne i Hercegovine čine:

- Središnjica HSP BiH u Mostaru i
- Organizacioni dio HSP BiH u Brčko distriktu BiH.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Hrvatske stranke prava Bosne i Hercegovine za 2014. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2014. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

**Obim pregleda i kontrole** finansijskih izvještaja Hrvatske stranke prava Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih lica, prihode iz budžeta, ostale prihode i troškove izborne kampanje.

### **4. PRETHODNE KONTROLE I REVIZIJE**

U periodu od 2006. do 2013. godine, obavljani su pregledi i revizija godišnjih finansijskih izvještaja Hrvatske stranke prava Bosne i Hercegovine, nakon čega su izdati izvještaji o pregledu, odnosno reviziji sa mišljenjem revizora, nalazima i preporukama revizije.

Nakon obavljenog pregleda finansijskog izvještaja za 2013. godinu, političkoj stranci su date preporuke: da poslovne knjige vodi u skladu sa računovodstvenim propisima, odnosno da vodi potpune i tačne evidencije o svojim prihodima i rashodima i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

#### **Nerealizovane preporuke:**

Hrvatska stranka prava Bosne i Hercegovine nije ispoštovala preporuke revizije.

### **5. NALAZI I PREPORUKE**

#### **5.1. NALAZI**

- Hrvatska stranka prava Bosne i Hercegovine nije postupila u skladu sa odredbama člana 11., člana 12. stav (1), (2), (3) i (4) Zakona o finansiranju političkih stranaka i odredbama člana 15.1 stav (1) Izbornog zakona BiH.**

Na osnovu finansijskog izvještaja, finansijske dokumentacije koju je na zahtjev Centralne izborne komisije Bosne i Hercegovine dostavila politička stranka i revizijskih dokaza

pribavljenih iz eksternih izvora, utvrđeno je da stranka nije vodila poslovne knjige u skladu sa računovodstvenim propisima<sup>1</sup>, nije uspostavila tačne evidencije o svojim prihodima i rashodima<sup>2</sup>, finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2014. godine podnijela je nakon zakonom propisanog roka<sup>3</sup> i godišnji finansijski izvještaj nije podnijela na način kako je propisala Centralna izborna komisija Bosne i Hercegovine<sup>4</sup>, čime je prekršila odredbe člana 11. i člana 12. stav (1), (2) i (3) Zakona o finansiranju političkih stranaka<sup>5</sup>.

- (1) Hrvatska stranka prava Bosne i Hercegovine je u poslovnim knjigama i finansijskom izvještaju, suprotno računovodstvenim propisima i odredbama člana 11. i člana 12. stav (1) i (3) Zakona o finansiranju političkih stranaka, iskazala prihode i rashode u iznosu većem za 21.976,00 KM u odnosu na ostvarene.
  - Uplaćenu taksu za ovjeru za učešće na Općim izborima u iznosu od 20.000,00 KM politička stranka je iskazala kao trošak, iako je dio takse u iznosu od 14.000,00 KM vraćen stranci nakon što su potvrđeni rezultati izbora. Povrat takse, u istom iznosu, stranka je u poslovnim knjigama i finansijskom izvještaju iskazala kao ostali prihod.
  - Politička stranka je troškove zakupnine poslovnog prostora za 2014. godinu, koji je koristila na osnovu ugovora o zakupu, sa gradom Mostarom, broj: 02-25-7243/10 od 17.06.2010. godine i aneksa ugovora broj: 02-25-7243/10 od 21.10.2014. godine iskazala u većem iznosu za 7.976,00 KM. Pomenutim aneksom ugovora, Grad Mostar je smanjio ugovorenu cijenu zakupnine i političkoj stranci 21.10.2014. godine dostavio dvije knjižne obavijesti, jednu na iznos od 27.670,72 KM za više obračunatu zakupninu do 31.12.2013. godine i drugu knjižnu obavijest za više obračunatu zakupninu za period 01.01.- 31.10.2014. godine. Stranka u poslovnim knjigama za 2014. godinu i finansijskom izvještaju nije izvršila usklađivanje toškova zakupnine sa promjenom cijene iz aneksa ugovora, već je zakupninu iskazala po prvobitnoj cijeni, a odobreni iznos od 7.976,00 KM, iskazala kao ostali prihod 2014. godine.
- (2) Godišnji finansijski izvještaj Hrvatska stranka prava Bosne i Hercegovine nije podnijela u formi koju je Centralna izborna komisija BiH propisala Pravilnikom o godišnjim finansijskim izvještajima političkih stranaka.
  - Politička stranka na obrascu 1.1. - *Opći podaci o političkoj stranci – teritorijalna organizacija stranke* navela samo Središnjicu političke stranke HSP BiH u Mostaru i organizacioni dio HSP BiH u Brčko distriktu BiH. Uvidom u poslovne knjige i finansijsku dokumentaciju stranke, odnosno ugovore o zakupu poslovnih prostora, utvrđeno je da je Hrvatska stranka prava Bosne i Hercegovine imala zaključene ugovore o zakupu poslovnih prostora u: Vitezu, Novom Travniku, Varešu, Odžaku, Orašju, Čitluku, Tomislavgradu i Sarajevu, te je za iste u 2014. godini platila zakupninu u iznosu od 14.900,00 KM. Pored troškova zakupnine, Hrvatska stranka prava Bosne i Hercegovine je za organizacione dijelove u Odžaku i Orašju imala i troškove električne energije, što nedvosmisleno ukazuje na djelovanje pomenutih organizacionih dijelova, iako ih stranka nije prijavila u okviru svoje organizacione strukture.

---

<sup>1</sup> U skladu sa odredbom člana 11. Zakona o finansiranju političkih stranaka, politička stranka je dužna voditi poslovne knjige u skladu sa računovodstvenim propisima

<sup>2</sup> U skladu sa odredbom iz člana 12. stav (1) ovog Zakona dužna je uspostaviti evidencije o svim prihodima i rashodima.

<sup>3</sup> U skladu sa odredbom iz člana 12. stav (2) Zakona politička stranka podnosi poseban finansijski izvještaj za period izborne propagande na način kako je utvrđeno Izbornim zakonom Bosne i Hercegovine.

<sup>4</sup> U skladu sa odredbom iz člana 12. stav (3) Zakona, politička stranka podnosi finansijski izvještaj u formi koju odobri Centralna izborna komisija Bosne i Hercegovine

- Finansijski izvještaj je popunjen samo za Središnjicu stranke u Mostaru i organizacioni dio stranke u Brčko distriktu BiH. Troškovi neprijavljenih organizacionih dijelova stranke u finansijskom izvještaju su iskazani kao troškovi središnjice HSP BiH u Mostaru. Neprijavlivanjem kompletne organizacione strukture u finansijskom izvještaju, te neiskazivanjem troškova po organizacionim dijelovima, stranka je prekršila odredbe člana 5, člana 10. i člana 22. Pravilnika o godišnjim finansijskim izvještajima političkih stranaka.
  - Politička stranka je obaveze prema dobavljačima na dan 31.12.2014. godine, suprotno odredbama člana 24. Pravilnika o godišnjim finansijskim izvještajima, iskazala u zbirnom iznosu od 132.792,24 KM. Umjesto da obaveze iskaže prema svakom dobavljaču pojedinačno, sa datumom nastanka obaveze i iznosom obaveze na dan 31.12.2014. godine, politička stranka je dostavila pregled dobavljača (saldna konta iz poslovnih knjiga), u kome je evidentiran samo iznos obaveze, bez ikakvog podatka o vremenu nastanka i njihovoj starosnoj stukturi. Uvidom u poslovne knjige stranke utvrđeno je da obaveze, u iznosu od 60.047,70 KM, prema određenom broju dobavljača<sup>6</sup> potiču iz ranijih godina, te da stranka u 2014. godini prema tim dobavljačima nije izvršila nikakva plaćanja.
- (3) Hrvatska stranka prava Bosne i Hercegovine na zahtjev Centralne izborne komisije BiH nije dostavila konfirmacije, odnosno potvrde njenih obaveza na dan 31.12.2014. godine od strane dobavljača Dnevni list i Elektroprivreda HZ-HB, čime je prekršila odredbe člana 12. stav (4) Zakona o finansiranju političkih stranaka.
- (4) Politička stranka je finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2014. godine (postizborni finansijski izvještaj), podnijela 15.12.2014. godine, nakon zakonom utvrđenog roka. U skladu sa odredbama člana 15.1 stav (1) Izbornog zakona Bosne i Hercegovine i člana 12. stav (2) Zakona o finansiranju političkih stranaka politička stranka je imala obavezu da postizborni finansijski izvještaj Centralnoj izbornoj komisiji BiH podnese u roku od trideset dana od dana objave izbornih rezultata u Službenom glasniku BiH, odnosno do 10.12.2014. godine.
- b) Bez kvalifikovanja revizijskog mišljenja, skrećemo pažnju na porezne rashode po osnovu ličnih primanja koje je Hrvatska stranka prava Bosne i Hercegovine evidentirala u poslovnim knjigama i finansijskom izvještaju, a nije ih isplatila.**

Uvidom u poslovne knjige i finansijsku dokumentaciju Hrvatske stranke prava Bosne i Hercegovine utvrđeno je da je stranka posmatračima na Općim izborima 2014. godine izvršila gotovinske isplate sredstva u iznosu od 29.200,00 KM, iz blagajne u periodu od 31.10. do 03.11.2014. godine. Obzirom da pomenute isplate imaju karakter ličnih primanja i podliježu oporezivanju, politička stranka je na iste obračunala porez i doprinose te u poslovnim knjigama iskazala kao trošak i obavezu u iznosu od 5.137,43 KM. Politička stranka je bila obavezna da na isplaćene naknade posmatračima porezne obaveze izmiri u skladu sa poreznim propisima, odnosno izvrši uplatu poreza i doprinosa istog dana ili prvog narednog dana po izvršenoj isplati naknade<sup>7</sup>, te poreznoj upravi podnese propisanu poreznu prijavu.

<sup>6</sup> Elektroprivreda HZ HB Mostar sa potraživanjem od 14.215,59 KM, Dnevni list sa potraživanjem od 13.761,85 KM, Večernji list Mostar sa potraživanjem od 10.026,50 KM, Interactive Široki Brijeg sa potraživanjem od 4.843,80 KM, Elite media Čitluk sa potraživanjem od 3.433,95 KM, Intergrafika Mostar sa potraživanjem od 3.135,60 KM, Fontana Mostar sa potraživanjem od 3.107,41 KM, Autoprevoz Putn promet Mostar sa potraživanjem od 2.165,00 KM, Margson Agencija Mostar sa potraživanjem od 2.000,00 KM, Civitas Sarajevo sa potraživanjem od 1.404,00 KM, Unevit Konjic sa potraživanjem od 1.200,00 KM, Restoran Pehar sa potraživanjem od 757,00 KM,

<sup>4</sup> Zakon o porezu na dohodak ("Službene novine Federacije BiH", br. 10/08, 9/10, 44/11, 07/13 i 65/13) i Pravilnik o primjeni Zakona o porezu na dohodak ("Službene novine Federacije BiH", broj: 67/08, 4/10, 86/10, 10/11, 53/11, 20/12, 27/13, 71/13 i 90/13)

## **Troškovi izborne kampanje**

Hrvatska stranka prava Bosne i Hercegovine je iskazala troškove izborne kampanje u skladu sa odredbama člana 15.10 Izbornog zakona Bosne i Hercegovine, odnosno u okviru zakonom utvrđenog limita.

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM<sup>8</sup> po biraču u svakom izbornom krugu, prema broju birača koje je objavila Centralna izborna komisija BiH.

U svrhu izborne kampanje Hrvatska stranka prava Bosne i Hercegovine je iskazala troškove u iznosu od 31.669,60 KM, iako je prema podacima Centralne izborne komisije BiH, na osnovu broja birača, mogla potrošiti 899.845,66 KM.

## **5.2. PREPORUKE**

*Preporučuje se Hrvatskoj stranci prava Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da vodi poslovne knjige u skladu sa računovodstvenim propisima i da uspostavi tačne evidencije o svojim prihodima i rashodima,*
- *da finansijske izvještaje Centralnoj izbornoj komisiji Bosne i Hercegovine podnosi u skladu sa Zakonima iz njene nadležnosti i*
- *da poštuje i druge propise, prevashodno porezne, te u zakonom propisanim rokovima izmiruje porezne obaveze.*

## **Komentar**

Hrvatska stranka prava Bosne i Hercegovine nije se očitovala na Preliminarni izvještaj o pregledu godišnjeg finansijskog izvještaja za 2014. godinu

Pomoćnik revizora

Mr.sc. Goran Cicović

Šef Službe za reviziju, revizor

Mr.sc. Hasida Gušić

---

<sup>8</sup> Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.